

**FILIPINO** **WEEK 1**

# Panalangin ng mga Taga-Colosas

## NOTES

[illegible]

## WARM-UP

- Mahilig ka bang magsulat ng mga liham para sa mga kaibigan o minamahal mo sa buhay? Bakit oo o bakit hindi?
- Maituturing mo ba ang sarili mo bilang isang *sentimental* na indibidwal? Anong mga uri ng *memorabilia* o mga mensahe ang gusto mong itinatago? Bakit mo ito ginagawa?
- Balikan ang isang pagkakataon kung kailan ikaw o ang iyong mahal sa buhay ay nalagay sa panganib. Ano ang ginawa mo?

## WORD

*<sup>9</sup>Kaya nga, mula nang mabalitaan namin ang tungkol sa inyo, patuloy namin kayong ipinapanalangin. Hinihiling namin sa Diyos na bigyan nawa kayo ng karunungan at pang-unawang mula sa Banal na Espiritu para lubusan ninyong malaman ang kalooban niya. <sup>10</sup>Sa ganoon, makakapamuhay kayo ng karapat-dapat at kalugod-lugod sa Panginoon sa lahat ng bagay. At makikita na lumalago kayo sa mabubuting gawa at sa pagkakakilala sa Diyos. <sup>11</sup>Nawa'y palakasín niya kayo sa pamamagitan ng dakila niyang kapangyarihan, para makatagal at makapagtiis kayo sa lahat ng bagay nang may kagalakan.* **MGA TAGA-COLOSAS 1:9-11**

---

Sinulat ni Apostol Pablo ang liham na ito para sa iglesia sa Colosas, na nakarinig ng ebanghelyo sa pamamagitan ng pagmiministeryo ni Epaphras. Ngayon, ang iglesia ay nahaharap sa panganib na dala ng mga maling katuruan at kailangan nilang ingatan at sundin ang mga naituro na sa kanila tungkol kay Jesus. Kailangan nilang isapamuhay ang kanilang pananampalataya at hindi mahulog sa maling paniniwala (heresy). Sa pahayag na ito, ibinahagi ni Pablo ang kanyang panalangin para sa kanila, na magkaroon sila ng karunungan at kaalaman mula sa Diyos, na sila ay magbunga para sa Kanya, at magkaroon sila ng kapangyarihan para maging malakas at matatag. Sa araling ito, ating titingnan ang kanyang panalangin at kung paano natin ito maisasapamuhay.

## 1

### Karunungan

*Kaya nga, mula nang mabalitaan namin ang tungkol sa inyo, patuloy namin kayong ipinapanalangin. Hinihiling namin sa Diyos na bigyan nawa kayo ng karunungan at pang-unawang mula sa Banal na Espiritu para lubusan ninyong malaman ang kalooban niya.* **MGA TAGA-COLOSAS 1:9**

Noong mga panahon na sila ay nauudyok na idagdag ang mabubuting gawa at mga ritwal sa ginawa na ni Cristo sa krus, ipinanalangin ni Pablo na ang iglesia ay magkaroon ng kaalaman at karunungan na nagmumula sa Diyos lamang upang maiwasan ang anumang maling ebanghelyo o katuruan. Sa iyong palagay, bakit ipinagdasal ni Pablo na mapuspos sila ng kaalaman tungkol sa kagustuhan ng Diyos? Bakit hindi natin kailangang humingi ng maliit na bagay lamang? Bakit nais ng Diyos na tayo ay mapuspos?

.....

.....

.....

## 2

## Pag-uugali

*Sa ganoon, makakapamuhay kayo ng karapat-dapat at kalugod-lugod sa Panginoon sa lahat ng bagay. At makikita na lumalago kayo sa mabubuting gawa at sa pagkakakilala sa Diyos. MGA TAGA-COLOSAS 1:10*

Ipinalangin din ni Pablo ang paglago, pag-unlad, at pagiging mabunga ng iglesia. Ang pagbabagong buhay na ito ay bunga ng pagiging puspos nila ng karunungan. Dahil sa ginawa ni Jesus para sa atin, naging kalugod-lugod tayo sa Kanyang harapan, at maaari tayong mamuhay sa paraang karapat-dapat sa Panginoon. Dahil dito, ang ating buhay ay mamumunga at magagawa natin ang mabubuting gawa na inihanda Niya para sa atin (Mga Taga-Efeso 2:8,9). Sa iyong pamumuhay kasama ang Diyos, paano ka Niya binabago upang maging katulad Niya? Ikuwento ang isang bahagi ng buhay mo na nagpapakita nito.

.....

.....

.....

## 3

## Kapangyarihan

*<sup>11</sup>Nawa'y palakasin niya kayo sa pamamagitan ng dakila niyang kapangyarihan, para makatagal at makapagtiis kayo sa lahat ng bagay nang may kagalakan. <sup>12</sup>At makapagpasalamat din kayo sa Ama. Ginawa niya kayong karapat-dapat na makibahagi sa mamamahin ng mga pinabanal niya, ang manang nasa kinaroroonan ng kaliwanagan.*

**MGA TAGA-COLOSAS 1:11,12**

Ipinagpatuloy ni Pablo ang kanyang panalangin upang pagpalain at palakasin ang iglesia sa kapangyarihan ng Diyos nang sila ay magkaroon ng katatagan, katiyagaan, at kagalakan. Bilang mga Kristiyano, hindi natin magagawang isapamuhay ang buhay na gusto ng Diyos para sa atin kung wala ang Kanyang kapangyarihan. Dapat tayong umasa sa Kanyang kalakasan at kakayahan na mapagtagumpayan ang anumang pagsubok at tukso. Sino ang nagbigay sa iyo ng karapatan na maging karapat-dapat na makibahagi sa pamana ng Diyos? Anong bahagi nito ang nakamit mo dahil sa iyong sarili?

.....

.....

.....

## APPLICATION

- Nauunawaan mo ba kung sino si Jesus, kung ano ang ginawa Niya para sa iyo, at kung bakit mo kailangan ng Tagapagligtas? Paano nito binago ang buhay mo?
- Namumuhay ka ba sa paraang narapat sa Panginoon? Ano ang isang bagay na sisimulan mong gawin sa ibang pamamaraan simula ngayong linggo?
- Paano mo mas makikilala ang Diyos at ang Kanyang Salita araw-araw? Ibahagi ang isang praktikal na bagay na gagawin mo upang mas makilala Siya.

## PRAYER

- Pasalamatan ang Diyos dahil sa kung sino Siya, kung ano ang ginawa Niya para sa iyo, at kung paano Niya ipinakita ang sarili Niya sa iyo sa pamamagitan ng Kanyang Salita.
- Ipanalangin ang Mga Taga-Colosas 1:9-12 sa buhay mo at sa buhay ng mga nasa Victory group mo.
- Ipanalangin na hindi mo kailanman susubukan na magdagdag ng anumang bagay sa tinapos nang gawin ni Cristo sa krus.



**VICTORY**

© 2016 by VICTORY®  
Reserbado ang lahat ng karapatang pag-aari.

Lahat ng sipi ay mula sa ANG SALITA NG DIOS®  
Karapatang Pag-aari © 2010 ng Biblica® Ginamit na may pahintulot  
mula sa Biblica Publishing & Distribution Foundation, Inc.® Reserbado ang lahat ng pag-aari.  
[victory.org.ph](http://victory.org.ph)